

gas. Clypeos inuenerunt Prætus & Acrisius inter se bellantes, siue Chalcus Athamantis filius. Loricam Mydias Messenius, Galeam, gladium, hastam Lacedæmonij. Ocreas & cristas Cares. Arcum & sagittam Scythem Iouis filium, alij sagittas Persen Persei filium inuenisse dicunt: lanceas Aetolos, iaculum cum amento Aetolum Martis filium. Hastas velitares Tyrrenum, pilumque, Penthesileam Amazonem securim, Piseum venabula. Et in tormentis scorpionem Cretas, catapultam Syros, Phœnicas ballistam & fundam. Aeneam tubam Piseum Tyrrenum. Testudines Artemonem Clazomenium. Equum (qui nunc aries appellatur) in muralibus machinis Epeum ad Troiam. Equo rebi Bellerophontem. Frenos & strata equorum Pelethroniū. Pugnare ex equo Thesalos, qui Centauri appellati sunt, habitantes secundum Pelium montem. Bigas primum iunxit Phrygum natio, quadrigas Erichthonius. Ordinem exercitus, signi dationem, tesseras, vigiliis Palamedes inuenit Troiano bello. Specularem significationem eodem Sinon. Inducias Lycanor. Fœdera Theseus. Auguria ex auibus Car, à quo Caria appellata. Adiecit ex cæteris animalibus Orpheus. Aruspicium Delphus, ignispicia Amphiarus, auspicia auium Tiresias Thebanus. Interpretationem ostentorum & somnorum Amphictyon. Astrologiam Atlas Libyæ filius, vt alij Aegyptij, vt alij Assyrij. Sphæram in ea Milesius Anaximander. Ventorum rationem Aeolus Hellenis filius. Musicam Amphion. Fistulam & zmonulium Pan Mercurij. Obliquam tibiam Midas in Phrygia. Geminas tibias Marsyas in eadem gente. Lydios modulor Amphion, Dorios Thamyras Thrax, Phrygios Marsyas Phryx. Citharam Amphion, vt alij Orpheus, vt alij Linus. Septem chordis addidit Terpander. Octauam Simonides addidit. Nonam Timotheus. Cithara sine voce cecinit Thamyras primus: cum cantu Amphion, vt alij Linus. Citharædica carmina composuit Terpander. Cum tibijs canere voce Træzenius Dardanus instituit. Sationem armatam Curetes docuere, pyrrhice Pyrrhus, vt tranque in Creta. Versum heroicum Pythio oraculo debemus. De poematum origine magna questio est. Ante Troianum bellum probantur fuisse. Prosam orationem condere Pherecydes Syrius instituit, Cyri regis atate. Historiam Cadmus Milesius. Ludos gymnicos in Arcadia Lycaon, fimebres Acastus in Iolco, post eum Theseus in Isthmo. Hercules olympiæ athleticam. Pythus pilam lusoriam. Gyges Lydius picturam in Aegypto. In Græcia vero Euchir Dædali cognatus, vt Aristoteli placet: vt Theophrasto, Polignotus Atheniensis. Nauæ primus in Græciam ex Aegypto Danaus aduenit: ante ratibus nauigabatur, inuentis in mari rubro inter insulas à rege Erythra. Reperiuntur qui Mysos & Troianos priores excogitasse in Helleponto putent, cum transirent aduersus Thracas. Etiam nunc in Britan-

nico oceano vitiles corio circumfuta fiunt: in Nilo ex papyro, & scirpo, & arundine. Longa nauæ Iasonem primum nauigasse, Philostephanus autor est: Egeas Paralum: Ctesias Samyram: Saphanus Semiramini: Archimachus Aegeonem: Biremem Damastes Erythreas fecisse: triremem Thucydides Aminoclen Corinthium: quadriremem Aristoteles Carthaginienses. Quinqueremem instituit Nesichthon Salaminus: sex ordinum Xenagoras Syracusius: ab ea ad decemremem Mnesigetor. Alexandrum magnum ferunt instituisse ad xij. ordines: Philostephanus Ptolemæum Sotem ad quindecim: Demetrium Antigoni ad xxx. Ptolemæum Philadelphum ad xl. Ptolemæum Philopatorem, qui Tryphon cognominatus est, ad l. Onerariam Hippius Tyrius inuenit, lembum Cyrenenses, cymbam Phœnices, celocem Rhodij, cercuron Cyprij. Siderum obseruationem in nauigando Phœnices, remum Copæ, latitudinem eius Platae, vela Icarus, malum & antennam Dædalus, Hippagum Samij, aut Pericles Atheniensis, testas longas Thasii: antea ex prora tantum & puppi pugnabatur. Rostra addidit Piseus: Tyrreni ancoram, Eupalamus eandem bidentem, Anacharsis harpagonas: & manus Pericles Atheniensis, adminicula gubernandi Typhis. Classe princeps depugnauit Minos. Animal occidit primus Hyperbius Martis filius, Prometheus bouem.

In quo primus gētiū cōsensus. CAP. LVII.
Gentium consensus tacitus primus omnium conspirauit, vt Ionum literis vterentur.

De literis antiquis. CAP. LVIII.

Veteres Græcas fuisse easdē penē quæ nunc sunt Latine, indicio erit Delphica tabula antiquiæ, quæ est hodie in palatio, dono principum Mineruæ dicata in bibliotheca, cum inscriptione tali, *Ναυσικράτης τισαμὲν Ἀθηναῖος κόρα καὶ ἀδελφὴ αὐτῆς Ἰωνέων.*

Quando primū tonsores Romæ. CAP. LIX.

Equus gentium consensus in tonsoribus fuit, sed Romanis tardior. In Italiā ex Sicilia venere post Romam conditam anno quadringentesimoquinquagesimoquarto, adducente P. Ticinio Mena, vt autor est Varro: ante intonsi fuere. Primus omnium radi quotidie instituit Africanus: sequens diuus Augustus cultris semper vsus est.

Quando primum horologia. CAP. LX.

Tertius consensus est in horarum obseruatione, iam hic rationi accedens. quando & à quo in Græcia reperta, diximus in secundo volumine. Serius etiā hoc Romæ contigit. Duodecim tabulis ortus tantum & occasus nominatur: post aliquot annos adiectus est & mer idies, accenso consulum id pronunciantem, cum Curio inter rostra & Græcostasim prospexisset talem solem. A columna aenea ad carcerem inclinato sidere, supremam pronuntiabat. Sed hoc serenitatis tantum diebus vsque ad primum Punicum bellum. Princeps Romanis solariū horologium statuisse, h iij ante

* cū à curia inter rostra & græcostasim prospexisset solē.
* Mena